

## **1. Böt**

Il club da skiunzs da Zuoz sporscha cun prioritad als iffaunts da la regiun Plaiv la pussibiltad da giodair il sport d'inviern (ski alpin, snowboard, passlung) insembel cun oters iffaunts e suot controlla dad ün mneder adatto. Il böt es da motiver ils iffaunts dad esser sportivs ed activs e da promover la cumpagnia traunter els derivand dals divers cumüns.

## **2. Participaziun**

Fer adöver da la spüerta paun tuot ils iffaunts da 1a fin 9evla classa dals cumüns da la Plaiv. Iffaunts dad oters cumüns vegnan acceptos bèscha üna part da sieus genituors es commember dal club. Ils iffaunts dvaintan tres lur participaziun commembers juniors dal club.

## **3. Qualificaziuns**

Per pudair participar als trenamaints d'inviern vegnan dumandadas las seguintas qualificaziuns:

- Ski alpin: savair ir cun runels e s-chabelleras e savair gnir giò da Pizzet sainza problems.
- Snowboard: savair ir cun runels e s-chabelleras e savair ir in traversa sainza problems.
- Passlung: savair as mover in ün möd già sgür süls skis da passlung.

Ils mneders haun il dret da refüser la participaziun d'ün iffaunt scha el nu cumplischa cun quistas reglas. Il club da skiunzs nun es üna scoula da skis/snowboard/passlung. La mandura ho dad esser adatteda ed üna chaplina es obligatoric per las disciplinas alpin e snowboard.

## **4. Cuosts**

La partizipaziun vi dals trenamaints cuosta üna pauschela da CHF 50.00 per iffaunt per an. Aint in quist predschi sun inclus ils trenamaints da settember fin marz ed oters evenimaints scu la cuorsa dal club, la Ski-Safari e.u.i. (ca. 30 termins).

## **5. Agüd dals genituors**

Ils genituors sun dumandos da sustegner il club e l'JO in agüdand scu voluntari tar evenimaints. Que as tratta impustüt da: la cuorsa FIS (fin da schner), la cuorsa dal club (fin da favrer) e tal Marathon da skis Engiadinais (mited marz). Üna part dals genituors es oblio da güder ad ün da quists trais evenimaints. Scha que nun es il cas, haun ils genituors da pajer zieva üna contribuziun da CHF 100.00 per iffaunt per an. Il club do oura bundant CHF 10'000 l'an per l'JO (indemnisaziun mneders, cuosts dad organizaziun da las cuorsas, premis, etc.) e mincha iffaunt survegn üna giacca (impresteda). Sainza la restauraziun al böt dal Marathon da skis Engiadinais nu pudess il club mantegner la contribuziun annuela uschè bassa. Dunque drouva il club agüd dals genituors per pudair continuer uschè eir in avegnir. Natürelmaing esa giavüscho cha'ls genituors dvaintan eir comembers dal club ed as partezipeschan vi da la vita dal club. La taxa per creschieus es da CHF 35.00 per an.

## **6. Trenamaints**

Ils trenamaints cumainzan fingià in utuon, vuol dir la prüm'eivna da settember, e d'üran fin la fin da la stagiun d'inviern, vuol dir la fin da marz. Chi chi's annunzcha per participar a l'JO stu visiter sia ils trenamaints da cundiziuns in utuon scu eir ils trenamaints sün naiv in inviern. Ils trenamaints haun lö in marculdi e d'inviern eir in sanda. Ils trenamaints da marculdi sun obligatorics, quels da sanda sun facultativs. Mincha iffaunt visitescha ils trenamaints d'inviern in quella disciplina cha el as ho annunzcho. Ils trenamaints da sanda cun skis alpin staun liber eir als iffaunts chi faun passlung e snowboard. Ils programs actuels vegnan publichos sün [www.club-da-skiunzs-zuoz.ch](http://www.club-da-skiunzs-zuoz.ch).

## **7. Annunzcha**

Mincha iffaunt survegn al cumainzamaint da l'an da scuola ün fögl per as annunzcher per l'JO ed il reglamaint scu infurmaziun per ils genituors. Üna vouta annunzcho es l'ffaunt oblio da participar als trenamaints ed ils genituors sun oblios da pajer la contribuziun annuela chi vegn miss in quint in december/schner. Cun l'annunzcha da lur iffaunt acceptan ils genituors il reglamaint ed impustüt eir il punct 5 (agüd dals genituors).

## **8. Sgüraunza**

Mincha iffaunt stu esser sgüro cunter accidaints tres ils genituors. Il club nu surpiglia üngüna respunsabiltad in cas d'accidaints e nun ho neir üngüna sgüraunza per quists cas. La sgüraunza es in mincha cas dovair da mincha singul partecipant da l'JO.

## **9. Persuna da contact**

Scu persuna da contact dals iffaunts e genituors fungescha il mneder da la gruppa in tēla cha l'ffaunt vegn partieu aint. Tuot ils iffaunts survegnan üna glista dals partecipants cun l'adressa completa dal mneder. S-chüsas sun dad adresser al mneder. Scu rappreschantant dals mneders fungescha ün comember da la suprastanza, nomno "Coach JO". Quista persuna es respunsabla per il funcziunamaint da l'JO dal club.

## **10. Disposiziun finelas**

Quist reglamaint aintra in vigur per la stagiun 2008/2009 e resta valid fin cha el vegn revais da la suprastanza o sün dumanda da la radunanza generala.

Per la suprastanza

Claudio Duschletta  
President

Thomas Fent  
Coach JO

Zuoz, in gün 2011